

Broj: 03-04-709-23/25
Sarajevo, 26.05.2025. godine

PARLAMENT FEDERACIJE BOSNE I HERCEGOVINE ✓
Zastupnički dom
n/p gosp. Draganu Miokoviću, predsjedatelju

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 28-05-2025			
Org. Jed.	Broj	Priloga	Vrijednost
05/1	- 02-	176	125

Predmet: Odgovor Vlade Federacije Bosne i Hercegovine

Poštovani,

Sukladno članku 11. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24), u privitku akta dostavljam Vam Odgovor Vlade Federacije Bosne i Hercegovine na zastupničko pitanje, koje se odnosi na nabavku glukometra i trakica za oboljelu djecu od dijabetesa tip 1., koje je postavila zastupnica Adisa Kokić-Hinović na 19. redovitoj sjednici Zastupničkog doma Parlamenta Federacije Bosne i Hercegovine, a koje je Vlada Federacije Bosne i Hercegovine utvrdila na 55. sjednici, održanoj 26. svibnja 2025. godine.

S poštovanjem,


PREMIJER
Nermin Nikšić

CO: FEDERALNO MINISTARSTVO ZDRAVSTVA
n/p gosp. Nediljku Rimcu, ministru

ZAVOD ZDRAVSTVENOG OSIGURANJA I REOSIGURANJA FEDERACIJE BOSNE I HERCEGOVINE
n/p gđi Vlatki Martinović, v.d. direktoru

Na temelju članka 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21) i članka 11. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24), nakon razmatranja zastupničkog pitanja koje se odnosi na nabavku glukometra i trakica za oboljelu djecu od dijabetesa tip 1., a koje je postavila zastupnica Adisa Kokić-Hinović na 19. redovitoj sjednici Zastupničkog doma Parlamenta Federacije Bosne i Hercegovine, Vlada Federacije Bosne i Hercegovine je na prijedlog Federalnog ministarstva zdravstva, na 55. sjednici održanoj 26. svibnja 2025. godine, utvrdila sljedeći

ODGOVOR

Zavod zdravstvenog osiguranja i reosiguranja Federacije Bosne i Hercegovine, u skladu sa Odlukom o utvrđivanju prioriteta vertikalnih programa zdravstvene zaštite od interesa za Federaciju Bosne i Hercegovine i prioriteta najsloženijih oblika zdravstvene zaštite iz određenih specijalističkih djelatnosti koje će se pružati osiguranim licima na teritoriji Federacije Bosne i Hercegovine („Službene novine Federacije BiH“ br. 8/05, 11/07, 44/07, 97a/07, 33/08 i 52/08), a u skladu sa dijelom preventivni programi i programi unapređenja zdravlja djece, vrši nabavku aparata i trakica za kontrolu dijabetesa za djecu i osobe do 18 godina na teritoriji cijele Federacije Bosne i Hercegovine. Nabavku aparata za mjerenje šećera u krvi i trakica vrši Federalni zavod zdravstvenog osiguranja i reosiguranja u skladu sa Zakonom o javnim nabavkama BiH. Podjela nabavljenih aparata se izvrši svakom djetetu inzulo-ovisniku, sa rokom trajanja od tri godine, a podjela trakica se vrši jednom godišnje u količini godišnjih potreba. Treba istaći da se nabava aparata i trakica za kontrolu dijabetesa u okviru federalnog fonda solidarnosti obavlja shodno finansijskim mogućnostima fonda, odnosno u skladu sa odobrenim sredstvima na godišnjoj razini u okviru Finansijskog plana Zavoda za svaku fiskalnu godinu.

Naprijed navedeno ne priječi kantone da osiguraju finansijska sredstva za nabavku senzora za djecu dijabetičare, obzirom da se u okviru Odluke o listi lijekova obaveznog zdravstvenog osiguranja („Službene novine Federacije BiH“, broj 73/24) u okviru „preporučenog sadržaja prioriteta programa za lijekove“ nalaze i senzori za mjerenje glukoze i odašiljači.

Svakako treba istaći da pored poboljšanja uvjeta dostupnosti aparatima za mjerenje šećera u krvi i inzulinskih pumpi za djecu oboljelu od dijabetesa i ostvarivanja prava finansiranja od strane zavoda zdravstvenog osiguranja potrebno je u svim kantonima u Federaciji Bosne i Hercegovine poboljšati uvjete prevencije, dijagnostike i liječenja ove rasprostranjene bolesti. Uz prevenciju, rano otkrivanje i liječenje dijabetesa potrebno je provoditi programe unapređenja svijesti opće populacije o dijabetesu, edukaciji školske djece o dijabetesu, upoznavanjem sa faktorima rizika za gojaznost, edukaciji o načinima prevencije faktora rizika za nastanak dijabetesa, edukaciju školskog osoblja o potrebama školske djece s dijabetesom itd. što zasigurno može uticati na smanjenje incidence šećerne bolesti.

V. broj: 883 /2025
26. svibnja 2025. godine
Sarajevo

